



**Cuss. gov Hansjörg
Trachsel infurmescha
ina davosa
giada.**

FOTO G. CAPAUL

La davosa giada cun cuss. gov. Trachsel

■ (anr/gc) Cun la fin da l'onn banduna cuss. gov. Hansjörg Trachsel, stà l'onn 2000 president dal Cussegl grond, e ch'è dapi 2005 schef dal Departament da l'economia publica, la Regenza. El era vegni tschernì l'onn 2004 en il guvern sco successur da cuss. gov. Klaus Huber. Ier ha cuss. gov. Hansjörg Trachsel prendi part per la davosa giada da l'inscunter mensil cun ils represchentants dals meds da massa a Cuira. En ses 10 onns d'uffizi saja quai succedi en tut pli che 100 giadas. Sin la dumonda tge ch'el tegnia da sias relaziuns cun ils represchentants da las medias, ha el respundi che politichers e schurnalists sajan fragliuns e

dovrian in l'auter per pudair ademplir lur incarica. Quai bain: ina giada avevian ins dapli temp in per l'auter, oz giaja tut pli spert e superfizialmain. Mintgacas ha il magistrat partent engrazià per la buna collavuraziun. Era il pledader dal guvern ha renconuschì fitg la lavur da collega Hansjörg Trachsel. Era sch'el stevia en il focus, en il gremi guvernamental saja el adina stà zunt avert e loial.

En curt banduna era *Luzi Bürkli*, schef dal servetsch da medias da la chanzlia chantunala, suenter trais onns e mez, ses post per daventar nov redactor dal Bündner Tagblatt. Successura daventa *Mariella Hunger*.